

Govor predsjedavajućeg Komisije za ostvarenje ravnopravnosti spolova Predstavničkog doma Parlamentarne skupštine Bosne i Hercegovine Adila Osmanovića na konferenciji povodom obilježavanja 8. marta - Meunarodnog dana žena "Ravnopravnost spolova u kontekstu zaštite okoliša i klimatskih promjena"

Sarajevo, 8. mart 2022.

"Poštovani gospodine ministre i učenice, cijenjene ekscelencije, dame i gospodo, sve vas lijepo pozdravljam u ime članica i članova Komisije za ostvarivanje ravnopravnosti spolova i u svoje ime. Također, koristim ovu priliku da vam čestitam Meunarodni dan žena.

Prema ciljevima i odredbama Pekinške deklaracije i Platforme za akciju „žene su odlučne u promociji ciljeva jednakosti, razvoja i mira u korist svih žena na svijetu i u interesu cijelog svijeta“.

Osnov razvoja svake zemlje je neposredno vezan za pravedno i inkluzivno društvo, ali i za očuvanje životne sredine i smanjenje siromaštva. U procesima planiranja, donošenja odluka i provođenja programa vezanih za održivi okoliš i zaštitu od klimatskih promjena neophodno je sistemsko uključivanje perspektive ravnopravnosti spolova prilikom kreiranja svih politika.

Ostvarivanje ravnopravnosti spolova u kontekstu zaštite okoliša i klimatskih promjena neophodno je sagledavati kroz isprepletenost različitih oblasti djelovanja kao što su poljoprivreda, poduzetništvo, konkurentnost, inovacije i sl.

Stepen ostvarivanja ravnopravnosti spolova je uzročno-posljedično vezan za razvoj ekonomije, politike i kulture pojedinih zemalja, ali također i na zaštiti okoliša i društvenoj pravdi što zahtijeva ravnopravno sudjelovanje žena i muškaraca kao nositelja i korisnika održivog razvoja po mjeri vremena.

Važno je istaknuti da žene raspolažu znanjima i iskustvima vezanim za okoliš, upravljanje prirodnim resursima i njegovom očuvanju. Međutim, uloga žena u postizanju održivog razvoja ograničena je diskriminacijom na osnovu spola, kao na primjer kroz otežane uvjete obrazovanja ili još uvijek prisutnoj segregaciji zanimanja i zapošljavanja, te preprekama pri uključivanju u strukture upravljanja i raspolaganja zemljištem.

Pravedan društveni razvoj koji podrazumijeva pomoć siromašnim, a naročito posebno ugroženim grupama žena, doprinosi smanjenju diskriminacije po bilo kojoj osnovi, a posebno utiče na to da se ruše stereotipi o jačem ili slabijem spolu, te da se osigura potpuno ravnopravno sudjelovanje u izgradnji boljeg i sigurnijeg svijeta.

Potrebno je napraviti prvi korak da bi se ostvario bilo kakav cilj pa tako i veće uključivanje žena u zaštitu okoliša i smanjenje posljedica klimatskih promjena. Od svih nas se zahtjeva odgovorno rukovanje okolišem jer smo ga od svojih predaka dobili na korištenje a ostavljamo ga u naslijeđe svojim potomcima. Nismo vlasnici, samo korisnici!

Hvala!"